

Q V A E S T I O M E D I C A

CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS XVII. MARTII,

M. IOANNE RIOLAN Doctore Medico, Regis Confiliario & Professore, & Reginae Matris Archiatro, Moderatore.

Estne lac statim à puerperio longe vetustiori recens natis infantibus salubrius?

866

FOE TV S humani actiua & passiuia principia, semen & sanguis: illud vi testium probe elaboratum, & spiritibus, solis ex omni corpore deciduis, turgens (hoc solo homine concretionis expers) vteri sinu bene morari auidè prolectum & exceptum in duas primum membranas abit, operis futuri velamina, quibus spiritus genitor arcè conclusus, proximum animæ corpus formantis, quod informatura est, instrumentum fouetur, vt vegetior partium nobilium, cum cæterarum admirabilem plane delineationem, atque vbi sanguis maternus appulerit, perfectam conformationem aggrediatur, quam, quasi à proposito scopo aberraret, cor & lienem in dextris, hepar in sinistris locare nonnunquam contingit, pulmonis, epiploi, ventriculi & intestinorum (rectum si exceperis) immutato & inuerso situ, non ordinis serie. Quum omnes corporis partes totius molis proportionem respondeant, in adultis exiles admodum si apparent, in infantibus recens in lucem editi tantò sunt minores, quantò minùs ad adultorum proceritatem accedunt.

VT semini partes omnes ortus sui rudimenta referunt accepta, sic à sanguine habent vt alantur & crescant, vbi variis circuitibus diuturnaque morâ alterationem subierit. Ob id natura mirabile prorsus nacta est artificium, quo fœtum matris vtero firmiter alligauit chorij membranæ interuentu, & placenta carnis rotunda, spongiorum instar rarissima, inæqualis, infinitis prope venulis & arteriis ramulatum dispersis referta, quæ non analitomosim coeunt cum matris vasis, sed sanguinem roris instar exudantem & illabentem proleant tenuiorem & defæciatiorem, qui diuturniore cunctatione magis ac magis perficitur, præsertim cum nulla sanguinis portio vterini iecoris vim propter vasorum tenuitatem effugere possit. Ob eandem causam ductum efformauit longiorem, nodis quibusdam (secunditatis nequaquam indicibus) distinctum, & quâ ad umbilicum vergit varicis in modum contortum, ex duabus arteriis & venâ vnicâ alternatim implicitis constans: quâ tamen arte vitare non potuit, excrementorum ἀμαρτρώσις, non χυλώσις in factu otiantis, proeuntum, torminum, quæ recens natos infestare solent, auctorem.

MATERNIS loculis exclusus & diuulsus tenellus infans sanguine nutririque nequit amplius, nec debet ore fugere: à ventriculo quippe cibis nondum assueto subigi non posset: imò breui coneresceret, & tandem in assumentis perniciem putresceret. Conuenientius idcirco, & quod innocuum foret, sapiens & provida natura hominis sedulo incumbens custodiæ, alimentum vix aut nunquam amarescens, tanto sanguine frigidius, quantò hepatis caro adenes calore superat, ex sanguine confuso in matris genitum apparauit, quod ab imbecillo etiam calore coqui facile posset, & ex eo succus optimus elici ad triplicis substantiæ deperditæ restaurationem, qui tenuitate suâ venas quantumvis exiles nullo pene negotio permearet, & sordes plurium mensium intervallo in intestinorum gyris & anfractibus collectas benignè elueret, quasi hoc vno infantuli damna omnia reparare satageret, vt fat ageret.

ET si lactis vna sit idea, varias tamen dotes obtinet pro nutritis naturâ, temperamento, ætate, victus genere & à partu tempore: statim quippe aqueum plane & impurum existit: exacto puerperio siue à lochiorum repurgatione tenue & defæcatum: processu tandem temporis crassius euadit, aluo indurandæ & pariendis obstructionibus in præferendis visceribus maxime opportunum: parum ob id tutius minùsque salubris pulcritudine vsus, quo glutine occluduntur vasorum meatus. Lac et si homiomes, ex triplici tamen constat substantiâ: butyrosâ, vnde habet, vt pingue sit: caseosâ, vnde crassum & dyspepton: & ferosâ, vnde tenue, crassosque ideo humores incidere, venarum riuulos peruadere & aluum inoffensè subducere valet.

GENERATIONI lactis mammas addixit natura, structuram conuenientem, figuram & situm impertiuit: coalescunt ex corpore glandoso, (in quo vis γαλακτοπαραγωγῆς potissimum residet) propriâ membranâ obuallato, & adipe multo innumeras prope venas & arterias quoquoersum dispersas molliusculi puluinaris instar suffulciente, quæ ad papillam pluribus foraminibus peruiam protenduntur, quâ tamquam gutturnio lac commodè instillatur: infantis oscillo, non præpeditâ respiratione: eam ob rem ex rotundâ ad pectus depressâ in oblongam figuram desinunt. In anteriore thoracis parte collocavit, vt cor caloris natui fons vberimus earum actionem promoueat, & suâ viciniâ acceleret. Nutricis & infantis rebus abunde consuluit, cum lactantis tædium voluptatis quibusdam illecebris, infuerum fugentis laborem suauissimo demulsit succo, qui si tenuis fuerit, vt solet primo quoque tempore post exactum puerperium, corpori ἀπορῶς conciliabit, referatis meatibus & intestinorum crassâ illuue meconio non ab simili attenuatâ, eademque per loca conuenientia detrusâ, à torminibus, vigiliis & paucioribus vindicabit: sin crassior extiterit, vt longe vetustior, aluum sistet, in fractus plurimos pariet, à quibus numerosâ morborum seges sobolesceat.

Ergo lac statim à puerperio longe vetustiori recens natis infantibus salubrius.

Proponebat Lutetiæ STEPHANVS LEGAIGNEVR Parisinus. A.R.S.H. M.DC.XXXIX.

P.M.P.
COLLATIONE